

四庫全書

子部

欽定四庫全書

山堂肆考卷二百二十一

明 彭大翼 撰

毛蟲

牛

祭宗廟之禮牛曰一元大武禘郊之牛角繭栗宗廟  
之牛角握社稷之牛角尺牛土畜也馬火畜也土緩  
而和火健而燥故易乾為馬坤為牛牛之相譬堂欲  
潤膺廷欲廣豪筋欲就雋骨欲垂插頸欲高排肋欲

密尾不用至地頭不用多肉角欲得細身欲得圓眼  
欲得大口方易飼鼻廣易牽倚欲如絆馬行欲如羊  
形欲如卷懸蹄欲如八字亂睫好觸龍頸突目好跳  
毛拳角冷有病毛少骨多有力歧胡有壽又周禮內  
饗掌共后及世子之膳羞辨腥臊羶香之不可食者  
曰牛夜鳴則廝廝臭也牛夜鳴則反常其肉必臭

放野

周書武王放牛于桃林之野

降阿

詩小雅誰謂爾無羊三百維羣誰謂爾無牛九十其牯  
爾羊來思其角濺濺爾牛來思其耳濕濕或降于阿或  
飲于池此詩言宣王牧事有成而牛羊衆多也

度關

見關隘

蹊田

左宣十一年楚子為陳夏氏亂故伐陳殺徵舒因縣陳

申叔時使于齊復命不賀而退王使讓之對曰抑人亦有言曰牽牛以蹊人之田而奪之牛牽牛以蹊者信有罪矣而奪之牛罰已重矣又雜俎太原縣北有銀牛山漢建武二十一年有人騎白牛蹊人田田父訶詰之乃曰吾北海使將看天子登封遂乘牛上山田父尋至山上唯見牛跡遺糞皆為銀也明年世祖果封禪

庖丁解牛

莊子曰庖丁為文惠解牛臣之刀十九年解數千牛而

刀刃若新發于硎彼節者有間而刀刃無厚以無厚入有間恢恢乎其有餘地矣

猗頓畜牛

孔叢子曰猗頓魯之窮士聞朱公富問術焉朱公告之曰子欲速富當畜五牝乃適西河大畜牛羊于猗氏之南十年之間子息萬計貲擬王公

宜土穀

周禮牛宜稌注云牛土畜稌土穀故牛宜稌也

含宮聲

管子曰凡聽宮如牛鳴窳中牛含宮聲柳子以為黃鍾在脰也蓋牛之鳴曰牟駝之鳴曰圓

飯牛干秦

呂氏春秋百里奚未遇時飯牛干秦鬻以五羊之皮公孫枝得而獻諸繆公繆公用之謀無不當舉必有功

火牛擊燕

見火

弦高犒師

左僖三十三年秦師及滑鄭商人弦高將市于周遇之以乘韋先牛十二犒師

劉訓邀客

唐末京師人春遊以牡丹花為勝賞訓邀客賞花乃繫水牛數十頭於前曰此劉氏黑牡丹也

有黃則鳴

甯戚相牛經牛常有似鳴者有黃也本草牛有黃者皮



毛光潤眼如血色時復鳴吼又好照水人以盆水承之  
伺其將吐出乃喝迫即墮落黃如雞子大重疊可圻輕  
虛而芬香佳若殺死在角中得者名角黃心中得者名  
心黃肝膽中得者名肝黃

有疾則立

造化權輿夫乾為馬坤為牛乾陽物也馬故蹄圓坤陰  
物也牛故蹄圻陽病則陰勝故馬疾則卧陰病則陽勝  
故牛疾則立馬陽物也故起先前足卧先後足牛陰物

也故起先後足卧先前足又小雅其耳濕濕注云牛病則耳燥

取血釁鐘

齊宣王坐于堂上有牽牛而過堂下者王問之曰牛何之曰將以釁鐘

剝皮為鼓

淮南子曰剝牛皮鞞以為鼓正三軍之衆為牛計者不若服軌也

甯戚叩角

見歌又雜俎甯公所飯牛陰虹屬頸陰虹者雙筋自尾屬頸也

王濟探心

見習射

蹋石如花

漢武元封中大秦國獻牛善走多力使輦銅鐵起望仙宮迹蹋在石上皆如花形故陽關之外有花牛津

觸牆成字

白居易集鄭玄家牛觸牆成八字

葛盧辨音

左僖二十九年介葛盧來聞牛鳴曰是生三犧皆用之矣其音云問之而信

夫餘占事

晉書夫餘國若有軍事殺牛祭天以其蹄占吉凶蹄解者凶合者吉

詹何門外

韓子曰詹何坐弟子侍有牛鳴于門外弟子曰黑牛也而白在其蹄詹何曰然視之而信

彥回井中

宋書褚彥回湛之子也湛之有一牛至所愛惜無故墮廳事前井中湛之率左右躬加營救郡中喧擾彥回下簾不視

順風而走

埤雅牛走順風馬走逆風

見月而喘

風俗通吳牛見月而喘言使之苦於日是以見月而喘  
蓋傷禽驚於虛弦疲牛望月而喘物之恒性每見似而  
驚也

苗令不留

見縣尹

田老惡殺

清異錄予陽翟莊舍左右有田老者不為欺心事出言  
鯁直譚名撞倒墻尤不喜殺牛見村舍懸列死牛頭脚  
告妻子曰天下人所喫用皆從此黃毛菩薩身上發生  
臨了殺倒却有天在

道士乘青

封君達少好道入鳥鼠山百餘年還鄉里常乘青牛人  
號青牛道士

中尉駕赤

後魏書元仲景性嚴峭孝莊時兼御史中尉京師肅然  
每往臺駕赤牛號赤牛中尉

歧蹄

淮南子曰牛歧蹄而戴角馬被毛而全足者天也絡馬  
之口穿牛之鼻者人也

文角

臧彥駛牛賦乃有超羣獨出駢毛文角

日行千里



志惟荀晞為兗州鎮去京師五百里有貢晞珍異食者  
晞欲貽都邑親貴慮信宿不復鮮美募得牛能日行千  
里者晞旦發書疏至一更始竟而答書已還晞以其神  
速疑筋骨有異殺而觀之唯有雙筋如小竹大自頭挾  
脊着肉裏故外不覺

日耕百畝

柳宗元牛賦牛之為物魁形巨首垂耳抱角毛角踈厚  
牟然而鳴黃鍾滿脰抵觸隆曦日耕百畝

稱曰格餌

清異錄天成長興中以牛者耕之本殺禁甚嚴有盜屠私販不敢顯其名宛稱曰格餌亦猶李甘家號甘子為金輪藏楊虞卿號魚為水花羊陸象僊家號象為鈍公子李栖筠家號竹為獨笋石虎時號虎為黃猛朱全忠時號鐘為天聖銅俱以避諱故也

名為太牢

牛曰太牢羊曰少牢

尾繞角

洞冥記元封三年大秦國獻花蹄牛高六尺尾環繞角  
有四耳角端有肉蹄如蓮花

耳無竅

埤雅牛耳無竅以鼻聽也盟者聽於人神故執牛耳而  
正以不聽為戒

讎虎

鬱林異物志周留者水牛也蒼毛豕身角若擔矛衛護

其犢與虎為讎抱朴子曰鴈啣蘆以捍網牛結陣以却虎

灌蛇

襍俎壯人牛瘦者多以蛇灌鼻口則為獨肝水牛有獨肝者殺人逆賊李希烈食之而死

牛角挂書

隋李密聞包愷在緄山往從之以蒲薦乘牛挂漢書一帙于角上一手捉牛靽一手翻書讀之

牛背畫字

唐陸羽幼時其師使牧牛羽潛以竹畫牛背為字

解裘贖牛

劉禹錫嘆牛文劉子行其野有叟牽牛于蹊偶問焉何形之瑰歟何足之病歟今轂觫然將安之歟叟攬縻而對云我僦車以自給嘗驅是牛引千鈞雖涉淖躋高轂如蓬而輒不漬及今廢矣顧其足雖傷而膚尚腴以畜豢之則無用以庖視之則有羸甫聞邦君享士卜剛

日矣是往也將要售於宰夫余謂之曰以叟言之則利  
以余言之則悲余方窶且無長物願解裘以贖將置諸  
豐草之鄉可乎叟蹶然而哈曰我之沽是屈指計其直  
可以持醪而啣肥飴子而衣妻若是之逸也奚事裘為  
以香易牛

蘇子瞻書柳宗元牛賦後云嶺外地產沉水香必以牛  
易之黎人得牛皆以祭鬼無脫者中國人以沉水香供  
佛燎帝求福此皆燒牛肉也何福之能得

羊

說文羊祥也象四足角尾之形格物論羊褐白黑三色亦有青者牡一歲曰羝三歲曰羸牝一歲曰羝三歲曰羸吳羊牯曰羝殺羊牯曰羯羊子曰羔曰羝鳴曰羝五月生羊曰羝六月生曰羝七月生曰羝易林羊腸九縈埤雅羊性善羣每成羣則以一雄為主舉羣聽之今俗所謂壓羣是也北人謂之羊頭羊性前逆牛性前順故羊宜驅而牛宜牽羊性畏露晚出而

早歸舊說羊春夏早放秋冬晚出要術羊有疾輒相  
汙徐鉉曰羊主給膳以瘦為病故羸从羊又有羚羊  
似羊而大角夜則懸角木上以防患羵羊似吳牛角  
橢善鬪至死一云此羊狀若騾而羣行暑天塵露在  
其角上生草戴行愛之獨寢代都賦所謂羵羊養草  
以盤旋是也其角尤大

羸角

易大壯羴羊觸藩羸其角陸氏云角既觸藩則羸而不



動進退兩難矣

柔毛

曲禮凡祭宗廟之禮羊曰柔毛按柔毛周禮內饗辨腥  
臊羶香之不可食者曰羊冷毛而羸羶冷毛長羸毛結  
墳首

詩小雅牂羊墳首三星在留人可以食鮮可以飽注云  
墳大也羊瘠則首大

長鬚

古今注羊一名長鬚主簿述異記一名胡鬚郎又陝西同州沙苑出鬮耳羊其羊耳小味美

欲去餽羊

論語子貢欲去告朔之餽羊

不食攘羊

列仙傳昔有攘羊者以羊遺叔向向母埋之不食後攘羊事發追捕向家驗羊骨肉都盡唯有舌存國人異之遂以羊舌為族

無睛能視

易注羊無睛而能視死不瞑目

有角不用

春秋繁露凡執卿用羔有角而不用類仁者執之不鳴  
殺之不嗥類死義者飲其母必跪乳類知禮者故以為  
執譙周法訓羊有跪乳之禮雞有識時之候鴈有庠序  
之儀人取法焉

宜忝

周禮羊宜黍注云羊火畜黍火穀故羊宜黍也

悅草

臨川吳氏羊外柔能悅草而內剛狠故兌為羊禽獸決錄羊性淫而狠

土怪

見博學

嶽精

易是類謀泰山失金雞西嶽亡玉羊鄭玄注金雞玉羊

二山之精

逆楚

左宣十二年楚子圍鄭鄭伯肉袒牽羊以逆曰狐不天不能事君使懷怒以及敝邑狐之罪也

干秦

見牛

華元食士

左宣二年宋華元殺羊食士其御羊斟不與及戰曰疇

昔之羊子為政今日之事我為政與入鄭師故敗君子  
謂羊斟非人也以其私憾敗國殄民

沈猶詐人

孫卿子曰魯販羊者曰沈猶氏朝飲其羊以詐市人孔  
子為魯司寇不敢飲羊

麾肱畢來

小雅爾羊來思矜矜兢兢不騫不崩麾之以肱畢來既  
升

燒尾則定

侯鯖錄新羊入群與諸羊相觸火燒其尾則定

盟社

墨子曰齊莊公之臣王國甲與中里檄者訟三年而獄不斷恐失有罪乃使二人共一羊盟齊之社二子相從以羊血灑社讀王國甲之詞已盡檄之詞未半祭羊起而觸中里檄齊人以為神

祀竈

見臘日

尾如馬

山海經羝羊尾如馬

背如駝

涼州異物志封羊其背如駝廣志曰驢羊如驢

望為羣羊

李茂勲傳王處存以輕兵三千蒙羊皮夜布之野李全忠軍望為羣羊爭趨之遂致敗



當食萬羊

見喪事

羊脂柔銀

丹房鏡源羊脂柔銀軟銅殺羊角縮賀賀錫也

羊腹生石

按牛有黃狗有寶羊有卵石俱在腹中附膽而生羊卵石白色如玉絕類狗寶可治翻胃及羊病

豕

說文豕彘也牡豕謂之豬小豕謂之豚牝豬謂之豨  
何承天纂文梁州以豕為豬河南謂之彘吳楚謂之  
豨漁陽以豬為豨齊徐以小豬為豨方言北燕朝鮮  
之間謂之豨

俯首

易說卦坎為豕性趨下豕能俯其首又喜卑穢亦水畜  
也

交睫

天宮內饗供后及世子之膳羞辨腥臊羶香之不可食者曰豕盲眊而交睫腥注云腥當作星肉成米似星

剛鬣

曲禮凡祭祀之禮豕曰剛鬣豚曰腍肥

攢毛

郭璞山海經圖豪彘讚剛鬣之族號曰豪豨毛如攢錐  
中有激矢

白蹄

小雅有豕白蹄烝涉波矣月離于畢俾滂沱矣蹄蹄也  
黑面

承平舊纂桂林風俗日食蛙曰豈不勝於黑面郎哉黑  
面郎謂豬也一名魯津伯一名大蘭王一名烏將軍一  
名長喙將軍又唐拱州人畜豬致富號豬為烏金

喜雨

埤雅犬喜雪馬喜風豕喜雨故天將大雨則豕進涉水  
波朝野僉載豕之性能水故牧豕之所在必水草之交

此所以豬从豬蓋豬豬所食息也

生風

宋袁淑大蘭王九錫文俯歆沫則成霧仰奮鬣則生風  
猛毒必噬有敵必攻長驅其突陣無全鋒

獻于遼東

東漢朱浮責彭寵書伯通自伐功高天下往時遼東有  
豕生子白頭異而獻之行至河東羣豕皆白懷慙而還  
若以子功論於朝廷則為遼東豕也

徙之沙苑

盧杞為虢州刺史奏言虢有官豕三千為民患德宗曰徙之沙苑杞曰同州亦陛下百姓臣謂食之便帝曰守虢而憂他州宰相才也詔以賜平民遂有意柄用矣

養于蘭橋

襄陽耆舊傳木蘭橋者今之豬蘭橋是也劉弘季以此橋近荻有蕺菜乃於橋東大養豬襄陽太守皮府君因更名豬蘭橋

養於客舍

三輔決錄馬氏兄弟五人共作客舍養猪賣豚故民謂之曰苑中三公門下二卿五門嘍嘍但聞猪聲

彭生啼

見鬼

祿山化

唐安祿山嘗夜宴醉卧化為黑猪而龍首左右遽言之  
玄宗曰猪龍也無能為者

以猪還徽

司馬徽嘗有人妄認徽猪徽推與之後得亡猪以猪還徽叩頭自責徽厚謝之

送豕謝萌

曹萌以仁厚稱鄰人有亡豕者與萌豕相類詣門認之萌不與爭後所亡豕自還其主大慙送所認豕還萌萌笑而受之

持兵救妃



郅都為中郎將從景帝入上林賈妃在厠野澆入厠上  
目都都不行上欲持兵救妃都曰亡一妃復一妃進天  
下所少者寧姬等耶陛下縱自輕柰宗廟太后何上乃  
還甌亦不傷妃

擊鼓訴奴

宋淳化中京畿民牟暉擊登聞鼓院訴家奴失豶豬一  
詔令賜千錢償其直因謂宰相曰似此細事亦訴于朕  
大可笑然推此心以臨天下可以無冤民矣

山堂肆考

山堂肆考

三十一

山堂肆考卷二百二十一

欽定四庫全書

山堂肆考卷二百二十二

明彭大翼撰

毛蟲

狗

易繫辭艮為狗狗善警吠止禦又其性前趨爾雅狗善猜警非禮相陵則警吠屈子曰邑犬羣吠吠所恠也格物論狗家畜種類不一懸蹄者獠多毛者獫長喙者猯獠短喙者狎短脰者獠黃色犬曰狂黃身黑

頭犬曰獬猛犬曰獬狂犬曰狻宋良犬獠宋駿犬狽  
廣雅殷虞晉獬楚獠宋狻韓盧皆良犬名狻一作鵠  
清異錄狗曰守門使

金畜

風俗通殺犬磔禳者犬金畜禳却也抑金使不害也

斗精

春秋考異郵七九六十三陽氣通故斗運狗三月而生  
宋均注狗斗精之所生也

貢于西旅

周書西旅底貢厥彝太保乃作旅彝

弄于西園

漢書靈帝于西園弄狗著進賢冠帶綬又昌邑王有狗  
戴方山冠

呼周

公羊傳晉靈公食趙盾公曰聞子劔利以示我盾將起  
進劔提彌明日何故拔劔于公所盾知之踏而止公有

周狗謂之獒呼而屬之彌明逆而跋之絕領盾頤曰君之獒不若臣獒也注云周狗言可與比周所指如意之狗跋以足逆蹋之地

逐瘕

左襄十七年宋華閱卒華臣弱臯比之室使賊殺其宰華吳十一月國人逐瘕狗瘕狗入于華臣氏國人從之華臣懼遂奔陳注云瘕狗狂狗也

犬名槃瓠

搜神記槃瓠者本高辛氏宮中老婦人有耳疾鑿者挑治之有物如繭以瓠盛之以槃覆之有頃化為犬其文五色因名槃瓠後漢南蠻傳有帝以女妻盤瓠之說今不盡載

### 犬名鵠倉

偃王志徐國宮人妊娠而產卵以為不祥棄于水濱孤獨老母有犬名鵠倉獵于水濱銜所棄卵以歸孤獨母以為異覆煖之遂蚘蚘成小兒生時正偃故以為名徐



君宮中聞之乃更叔養長而仁智襲徐君國鵠倉臨死  
更生角而九尾實黃龍也偃王葬之徐梁界內今名狗壠  
叩氣

懸蹄

說文犬狗叩也叩氣吠以守也  
說文犬狗之有懸蹄者也爾雅犬生三獾二獅一獬未  
成毫狗

牙如交戟

魏賈岱宗狗賦爪類刀戈牙如交戟

蹄如結鈴

晉傅玄走狗賦舒節急筋豹耳龍形蹄如結鈴五魚體  
成

青骹

西京雜記楊萬年有獵狗名青骹直百金又茂陵少年  
李亭好馳逐鷹犬皆有佳名狗則有脩毫蒼睫白望青  
曹之號

白雀

風土記犬則青鷓白雀飛龍虎子馴良捷警難狎易使也

短喙

爾雅釋畜長喙善獵短喙善吠莊子曰狗不以善吠為良凡犬長喙為上短喙次之

長耳

白澤圖黑狗白頭長耳卷尾龍也

白首

山海經陰山有獸狀如狸白首其名天狗

素牙

傅玄賦足懸鈎爪口含素牙首類驤螭尾如騰蛇

識家

白帖漢高祖以太上皇思豐沛故作新豐與豐沛無異人  
家雞犬放之皆識家

完褚

魏太祖云我有丁斐猶人家有盜狗善捕鼠雖小有所損而完我衣褚

飛食虎豹

周書渠搜犬者露犬也能飛食虎豹

志在麋麋

呂氏春秋齊有善相狗者隣人藉之買鼠狗暮年而得曰良狗也其隣畜之數年不噉鼠以告相者曰此志在麋麋象鹿不在鼠欲其鼠也則桎其後足遂取鼠

迎吠楊布

列子曰楊朱之弟布衣素衣而出天雨解素衣衣黑衣而返其狗迎而吠之布怒將扑狗朱曰子無扑矣子亦猶是也向使汝狗白而往黑而來豈能無怪哉

驚吠徐勉

見侍中

上臺

魏志公孫淵未亡時家數有怪犬冠幘絳衣上臺

哭市

隨巢子曰昔三苗大亂龍生于廟犬哭于市

戴叔堅冠

風俗通桂陽太守韋叔堅汝南人少為從事家有狗如  
人行家人言當即殺之叔堅云犬馬喻君子狗見人行  
效之何傷頃之叔堅冠解榻上狗戴而走家大驚叔堅  
曰悞觸冠纓挂之耳狗又於竈前蓄火家益怔忡叔堅  
復云兒婢皆在田中狗蓄火幸可不煩鄰里此又何恠

遂不肯殺後數日狗自暴死卒無他異叔堅終享大位  
引諸葛衣

吳志孫峻謀誅諸葛恪恪將見之是夜精爽擾動通夕  
不寐嚴駕畢趨出犬引其衣恪令從者逐犬遂升車果  
及禍

咋奴

搜神記會稽勾章民張然滯役在都經年不得歸家有  
少婦遂與奴私通然在都養一狗甚快名烏龍後假歸



奴與婦謀欲殺然然命妻作飯未噉奴當戶倚張弓括箭拔刀然以盤中肉飯與狗狗不取唯注睛舐脣視奴然亦覺之奴催食轉急然拍髀大喚曰烏龍狗應聲傷奴奴失刀仗倒地狗咋奴頭然因取刀斬奴以婦付官殺之

救主

續搜神記晉太和中楊生養狗甚愛之後生醉酒行大澤草中眠時冬月野火起風又猛狗號喚生不覺前有

一坑水狗便走往水中還以身洒生左右草沾水得着  
地火尋過去他日又闇行墮於空井中狗呻吟徹曉有  
人過怪之往視見生在井生曰君可出我當厚報君人  
曰以此狗相與便當相出生曰此狗嘗活我于已死不  
得相與餘即無惜人曰若爾便不相出狗因下頭向井  
生知其意乃語人以狗相與人乃出之繫狗而去後五  
日狗夜走歸

供棺

齊景公走狗死命外供棺內給祭晏子諫其不可公從之

埋席

見馬

改字來客

尹文子曰康衢長者字童曰善搏字犬曰善噬賓客不過其門三年長者恠而問之以實對于是改字之賓客復往

示慄曉人

襍令蹄人者絆其足齧人者截其耳此謂犬馬之弗馴者宜示慄懾曉人也

抱褥

三國典畧齊高緯以波斯狗為赤虎儀同逍遙郡公常于馬上設鎧褥以抱之

繫瓠

晉書杜預有癭疾初攻吳吳人憚其智以瓠繫狗頸示

之及平吳盡殺之

宜子孫

五行書白犬虎文畜之可致萬石黑犬白耳大王犬也  
畜之令富貴黑犬白前兩足宜子孫白犬黃頭家大吉  
黃犬白尾代有衣冠黃犬白前兩足利人

識喜怒

清異錄耒陽廖習之家有一黃犬識人喜怒頤指可使  
名曰黃奴習之常作歌云吾家黃奴類黃耳

迎宿客

杜詩犬迎曾宿客

吠屠人

程氏遺書犬吠屠人世傳有物隨之非也此正如海上

鷗爾

黃耳

述異記陸機在吳豪客獻快犬名黃耳機後仕洛戲語  
犬曰我家絕無書信汝能馳往否犬搖尾作聲應之機

為書盛以竹筒繫之犬頸犬遂尋路南走至機家得答  
書還洛後犬死殯之遣還葬去機家二百步呼黃耳塚  
烏喙

蘓子瞻曰予來僭耳得大狗曰烏喙甚猛而馴隨予遷  
合浦過澄邁泗而濟路人皆驚戲作詩云烏喙本海獒  
幸我為之主食餘已瓠肥終不憂鼎俎畫馴識賓客夜  
悍為門戶知我當北還掉尾喜欲舞跳踐趨僮僕吐舌  
喘汗雨何當寄家書黃耳定乃祖

之才為辭

三國典畧徐之才嘗與朝士出遊望羣犬並走諸人請  
目之之才應聲為辭曰為是宋鵲為是韓盧為逐李斯  
東走為負帝女南徂

元發作賦

見嘲謔上

貓

埤雅鼠善害苗而貓能捕鼠去苗之害故貓之字从



苗貓旦暮目睛皆圓及午即從斂如線其鼻端常冷  
蓋貓陰類也故其應陰氣如此世云薄荷醉貓死貓  
引竹物有相感者出於自然非人智慮所及貓亦如  
虎畫地卜食今俗謂之卜鼠貓非中國之種出西方  
天竺國唯不受中國之氣所生故鼻頭冷唯夏至一  
日煖貓死不埋于土挂于樹上釋氏因鼠咬佛經故  
唐三藏往西方帶歸養之清異錄貓名鼠將

烏圓

格物論貓一名蒙貴一名烏圓及考爾雅注蒙頌即蒙貴捕鼠勝於貓則貓與蒙貴又似二物

白老

唐餘錄建州刺史家月夜有七八白衣相語曰白老将至柰何白衣者鼠白老者貓也

眼如一線

埤雅近人有收牡丹圖者叢下有一貓畫者曰此正午牡丹也何以明之其花枝哆而色燥此日中時花也貓

眼黑睛如線此正午貓眼也有帶露花則房斂而色澤  
貓眼早暮則圓日漸午則狹長正午則如一線耳

口有九坎

貓口中三坎捉一季五坎捉二季七坎捉三季九坎捉  
四季言口內有九坎者能四季捉鼠也

乳鼠

唐崔祐甫代宗時屢遷中書舍人會朱泚軍中貓鼠同  
乳表其瑞宰相常袞率羣臣賀祐甫議曰不可詔使問

狀對曰臣聞禮迎貓為其食田鼠以其能去害雖細必錄今貓受畜於人不能食鼠而反乳之無乃失其性耶

### 捕雞

相貓法眼用金光身要短面要虎威聲要喊露爪能翻瓦脚長善走家面長雞種絕尾大懶如蛇又云耳薄不耐寒鶴林玉露蘇東坡云養貓以捕鼠不以無鼠而養不捕之貓畜犬以防奸不以無奸而畜不吠之犬余謂不捕猶可也不捕鼠而捕雞則甚矣不吠猶可也不吠

盜而吠主則甚矣嫉視正人必欲盡擊之非捕雞乎委  
心權要使天子孤立非吠主乎

揭榜失貓

清異錄余在輦轂至大街見揭小榜曰虞大博宅失去  
貓兒色白名白雪姑

作詩乞貓

黃山谷乞貓詩秋來鼠輩欺貓死窺甕翻盆攪夜眠  
道狸奴將數子買魚穿柳聘衙蟬按衙蟬貓名又謝周

元之送貓養得貓奴立戰功將軍細柳又家風一簞未  
厭魚餐薄四壁常令鼠穴空

務觀迎貓

陸務觀贈貓裹鹽迎得小狸奴盡護山房萬卷書慚愧  
家貧策勲薄寒無羶坐食無魚

後村詰貓

劉後村潛夫詰貓詩古人養客乏車魚今汝何功客不  
如飯有溪魚眠有毯忍教鼠嚙案頭書

鼠

埤雅鼠類最壽故謂之老鼠格物論鼠小獸善為盜  
族類不一有家鼠有鼪鼠有鼯鼠有鼯鼠有鼯鼠有鼯鼠有  
鼯鼠有鼯鼠有鼯鼠有鼯鼠有鼯鼠有鼯鼠有鼯鼠有鼯鼠  
其他又有火鼠冰鼠貂鼠竹鼠青鼠黃鼠之類鼠性  
多疑出穴多不果故人持兩端者謂之首鼠

穿墉

詩召南誰謂鼠無牙何以穿我墉

託社

家語齊景公問晏子曰為人何患曰患社鼠出竊于人入託於社灌之恐壞墻熏之恐燒木

飲河

莊子曰鼯鼠飲河不過滿腹鼯一作鼯此鼠多伏於水又能偃水放沫故云

耕地

陶弘景鼯鼠一名隱鼠如鼠大而無尾黑色長鼻甚強



常穿耕地中而行陳藏器曰隱鼠陰穿地而行見日月  
光則死或曰是野田中尖嘴鼠乃伯勞所化

晝伏夜動

左襄二十三年齊侯將與臧紇田臧孫聞之見齊侯與  
之言伐晉對曰抑君似鼠夫鼠晝伏夜動不穴於寢廟  
畏人故也今聞晉之亂而後作焉寧將事之非鼠何如  
呼來遣去

會稽山有一人姓蔡隱居山中養鼠數十頭呼來即來

遣去即去其人言語狂易人呼謫仙

蘇武掘鼠

蘇武使匈奴牧羝海上廩食不至乃掘野鼠草實而食之

竇攸識鼠

竇氏家傳竇攸治爾雅舉孝廉為郎世祖與百僚大會時買得一鼠身如豹文問羣臣莫知惟攸對曰名鼯鼠見爾雅又漢武帝時得一鼠豹文孝廉郎終軍知為鼯

鼠賜絹百匹

舞門

京房易候鼠舞國門厥咎應亡鼠舞於庭厥咎誅死

入營

孔帖王孝標為清邊道總管初進軍平州白鼠晝入營  
頓伏皆謂鼠精胡象也白質歸命天亡之兆及戰乃孝  
標覆焉

食苗

詩魏風碩鼠碩鼠無食我黍又曰無食我麥無食我苗  
按碩鼠即爾雅鼯鼠頭似兔尾有毛青黃色好在田中  
食粟苴

盜米

述異記南陽趙度好藝術有白米為鼠所盜乃被髮把  
刀畫地作獄四面開門向東長嘯羣鼠俱至咒之曰凡  
非噉米者過惟止者十餘乃剖其腹有米在焉

傷蛇

五行志景雲中有蛇鼠鬪于右威衛營東衙槐樹上蛇為鼠所傷說者以為鬪者兵象

### 化犬

孔帖李林甫一日取書囊訝其重開而視之乃一大鼠躍出化為蒼犬怒目張牙仰視林甫以物擊之鼠即應手而死林甫惡之月餘卒

### 李斯嘆鼠

秦李斯少時為郡小吏見吏舍廁中鼠食不潔近人犬

數驚恐觀倉中鼠食積粟居大廡之下不見人犬之憂  
乃嘆曰人之賢不肖譬如鼠矣在所自處耳

張湯劾鼠

見神童

作字殺鼠

晉淳于智善厭勝劉柔夜卧鼠嚙其左手指智曰是欲  
殺君而不能當為君使其反死乃以朱書柔手作田字  
使露手卧明日有大鼠伏死於前

作符召鼠

許邁小名映有鼠啗映衣乃作符召至於中庭映曰啗  
衣者留不啗者去羣鼠並去惟一鼠獨住伏於中庭而  
不敢動

夜叫

馬融曰猴蜚晝吟鼯鼠夜叫

日行

世說晉簡文帝為撫軍時牀上塵不聽拂見鼠行跡視

以為佳有叅軍見鼠白日行以手板批殺之撫軍不悅  
聲如人呼

埤雅鼯鼠爾雅所謂鼯鼠夷由狀如小狐肉翅翅尾項  
脅毛皆紫赤色脚短爪長飛且乳或謂之飛生一名飛  
蠅性食火烟能從高赴下不能從下升高荀子所謂鼯  
鼠五技而窮即此是也按五技謂能飛不能上屋能緣  
不能窮木能遊不能渡谷能穴不能掩身能走不能先  
人或曰鼯鼠一名夷暢一名鷓鳥似蝙蝠聲如人呼



聲若犬吠

鼯大鼠也聲若犬吠

易腸

博物志唐公房舉宅皆升僂雞犬皆去唯惡鼠不淨不  
將去鼠乃自悔一月三吐易其腸此鼠東廣微所謂鼯  
鼠是也

燒尾

瑣言竇璠久不第晚娶宇文翊女遂登科時杜尚宅失

火云因鼠尾爇火而作韋詵因謂璠曰魚化龍雷為燒尾近日鼠亦有燒尾者璠大慙

交足而拱

埤雅有一種鼠見人則交其前足而拱謂之禮鼠詩曰相鼠有體人而無禮其或取諸此乎又鼯鼠兔首似鼠而大能人立交前兩足而舞其害稼者曰雀鼠

銜尾而進

鼯鼠一名土鼠無目黑色穿土而行天將雨則鳴行必

成羣銜尾魚貫而進以目瞽懼顛蹶也

甘口

埤雅鼯鼠有螫毒甘口齧人及鳥獸皆不痛春秋所書  
食郊牛之角者也博物志曰乃鼠之最小者或云甘鼠  
是已

長鬚

爾雅鼯鼠身長鬚而賊秦人謂之小驢

食竹根

浙東衢州出竹鼯大如圓瓠多膏中啖土人珍之好伏  
土底食竹根未嘗見日形似家鼠蒼色尾短目細而長  
前足不分爪指乃一片者後足微有爪指

### 食松實

埤雅栗鼠蒼黑而小尾大於鼯取其尾毫可製筆一名  
松鼠食松實及栗橡之物

### 毛可為褥

水鼠生於水中不入人家俗云直蛇橫鼠蓋蛇好順流

而行鼠好橫流而渡也神異經北方冰厚百丈有小鼠  
在下毛可為褥即冰鼠也

皮可為帽

埤雅貂鼠類緝毛者也其皮燠于狐貉取以為帽得風  
則煖其毛拂面如焰朔地苦寒人以其皮溫額後代以  
金璫飾首前插貂尾又一種曰銀鼠似貂而白色毛長  
三寸柔燠可愛皮勝于貂鼠

羣鼠渡河

孔帖黃君漢為李密守栢崔義元見羣鼠渡河曰此昔  
王敦亡兆也因說君漢以城歸

羣鼠渡洛

李密將敗屯營羣鼠相銜尾以渡于洛經月不絕

捧珠欲語

異苑景平中東陽大水永康蔡喜夫避水住南龍有鼠  
浮水來伏喜夫奴牀角奴慙而不犯每以食與之水既  
退喜夫反故居鼠前脚捧青絹紙裏三寸許珠着奴牀

前啾啾如欲語也

擁杖而號

路敬潛為遂安令到官鼠數十走于前左右以杖驅之擁杖而號

啣炷

釋法顯僊遊本紀祇園精舍燒香燃燈續明日夜不絕鼠銜炷燒幡蓋精舍都盡

啣鞍

見鞍

襲狗

埤雅鼪鼠一名鼯鼪一名鼯鼪似鼠而小東方朔曰譬猶鼯鼪之襲狗者也

嚙雞

鼯鼠一名鼯一名黃鼠狼又名鼠豺如鼠而大純黃色善捕鼠亦能盜嚙鷄鴨人頗患之

失窟鼠



朝野僉載唐蘇徵任汜水縣令舉止輕薄郎中張元一目為失窟鼠

走穴鼠

孔帖黃巢進取陝號檄關戍曰吾道淮南逐高駢如鼠走穴爾無我拒

盧元明劇鼠賦

鬚如麥芒半垂眼如豆角中擘託社忌器妙解自惜深藏厚閉巧能推覓或尋繩而下或自地高擲盜干湯之

珍俎傾留髦之香澤傷繡領之新製毀羅衣之重襲曹  
舒由是獻規張湯為之被謫

蘇子瞻黠鼠賦

見賦

窺甕翻盆

見貓

跳牀撼幕

子瞻却鼠刀文有穴于垣侵堂及室跳牀撼幕終夕窅

罕叱訶不去啖嚙東粟掀盃抵缶去不遺粒

僂鼠

僂經蝙蝠一名僂鼠千年之後體白如雪棲則倒懸蓋  
飲乳水而長生也

飛鼠

山海經丹重之山有獸其狀如鼠兔首廣耳其音如律  
以其尾飛故名飛鼠

山堂肆考卷二百二十二

欽定四庫全書

子部

山堂肆考卷二百三十三

詳校官中書臣 閔思毅

主事臣 祁韻士覆勘

總校官降調編修臣 倉聖脈

校對官中書臣 孫球

謄錄監生臣 郭履元

欽定四庫全書

山堂肆考卷二百二十三

明彭大翼撰

鱗蟲

龍

附蛟

說文鱗蟲三百六十而龍為之長能幽能明能細能  
巨能短能長春分而登天秋分而入淵埤雅龍八十  
一鱗具九九之數九陽也鯉三十六鱗具六六之數  
六陰也龍亦卵生思抱雄鳴上風雌鳴下風而風化

廣雅有鱗曰蛟龍有翼曰應龍有角曰虯龍無角曰  
螭龍未升天曰螭龍淮南子曰蛟龍伏潛于川而剖  
卵于陵其雄鳴上風其雌鳴下風而化者形精之至  
也人不見龍之飛舉而能高者風雨奉之也抱朴子  
曰有自然之龍有蛇蠅化成之龍或曰凡龍不能昇  
天惟神龍能昇天易乾飛龍在天言神龍也其他潛  
龍困龍土龍蟄龍毒龍孽龍與夫董父所豢之龍劉  
累所御之龍張華所食之龍皆凡龍也埤雅蛟龍屬

其狀似蛇而四足細頸頸有白嬰大者數圍卵生眉  
交故謂之蛟又蛟能交首尾東物故謂之蛟舊說鳳  
骨黑蛟骨青

### 止庭

史記夏后氏之衰有神龍二止于夏帝庭而言曰余褒  
之二君夏帝卜殺之歟去之歟止之歟莫吉請其瘞而  
藏之吉于是布幣而策告之龍亡而瘞在積夏亡傳此  
罷于殷殷亡傳此罷于周莫敢發之至厲王發而觀之

漿流于庭王使婦人裸而譟之漿化玄龜後宮之童妾  
既亂而遭之既笄而孕無夫而生子懼而棄之宣王之  
時謠曰檠弧箕服實亡周國王聞之有夫婦賣是跽者  
王使執而戮之逃于道而見向者後宮童妾所生妖子  
出于路收之夫婦奔褒其後褒人有罪請入所棄妖子  
于王以贖罪是為褒姒幽王愛之竟以滅周

窺牖

莊子曰葉公子高之好龍也室屋雕文畫以寫龍天龍



聞而下之窺頭于牖拖尾于堂葉公見之失其魂魄是  
葉公非好龍也好夫似龍而非真也

凌雲

漢武內傳王母乘紫雲之輦駕九色斑龍管子曰龍被  
五色而逝故神欲小則如蠶蠋欲大則涵天地欲上則  
凌雲欲沈則伏泉

行雨

朱子語錄或問行雨之說朱子曰龍水物也其出而與

陽氣交蒸故能成雨但尋常自是陰陽之氣蒸鬱而成  
非必龍為之也

蟄以存身

易繫辭龍蛇之蟄以存身也

合而成體

莊子曰龍合而成體散而成章乘乎雲氣而養乎陰陽  
雲從

文言飛龍在天利見大人何謂也子曰雲從龍風從虎

聖人作而萬物覩本乎天者親上本乎地者親下各從其類也

霧集

鄒陽書蛟龍驤首奮翼則浮雲出流霧雨咸集

生澤

左襄二十一年叔向之母曰深山大澤實生龍蛇

蟠泥

揚子問神篇或曰龍必飛天乎曰時飛則飛時潛則潛

潛則蟠于泥坑其肆矣坑哉坑哉烏覩龍之志也歟

紀官

帝王世紀太昊庖犧氏有景龍之瑞故以龍紀官

改元

漢宣帝甘露中黃龍見新豐改元黃龍

董父擾龍

左昭二十九年蔡墨對獻子曰昔有颺叔安有裔子曰董父實甚好龍能求其嗜欲以飲食之龍多歸之乃擾

龍以服事帝舜帝賜之姓曰董氏曰秦龍陶唐氏既衰其後有劉累學擾龍于豢龍氏以事孔甲能飲食之夏后嘉之賜氏曰御龍氏以更豕韋之後龍一雌死潛醢以食夏后夏后享之既而使求之懼而遷于魯縣范氏其後也注云颺古國名叔安其君名

安公騎龍

見七夕

朱泚屠龍

莊子曰朱泚漫學屠龍于支離益殫千金之產三年技成而無所用其巧此言技術雖高而應世稍疎則無所用之

豫且射龍

說苑白龍下清冷之淵化為魚漁者豫且射中其左目白龍上訴天帝天帝曰當是時若安置而形對曰化為魚天帝曰魚故漁人之所射也豫且何罪

化于葛陂

見仙

飲于渭水

三秦記龍首山長六十里頭入于渭水尾達于樊川云  
昔有黑龍從南山出飲于渭其行道因成土山故以名  
焉

見蘭陵井

漢惠帝二年兩龍見蘭陵人家井中

戲武功池

白帖二龍戲于武功縣池乃唐太宗誕生之瑞

九種

龍生子有九種各有所好有曰狴犴平生好訟今獄門  
上所刻如獅子頭者是也一說犴能捍守故獄用之有  
霸下平生好負重今石碑下如大龜者是其形也有鬮  
屬平生好文今碑兩傍石刻如螭者是也有嘲風平生  
好險今屋角上如小獅子是也有睚眦平生好殺人今  
刀柄上刻龍形者是也有螭吻平生好吞今屋脊獸形



者是也有蒲牢平生好鳴今鐘紐是其形也有囚牛或云好音有狻猊平生好坐今佛座下蹲者是也

### 三停

會編世俗畫龍馬首蛇尾又有三停九似之說謂自首至膊膊至腰腰至尾相停也九似者角似鹿頭似馬眼似鬼項似蛇腹似蜃鱗似魚爪似鷹掌似虎耳似牛

### 龍頷得珠

莊子曰河上翁子得千金之珠其父曰此珠在驪龍頷

下汝得之必遭其睡也若覺汝當為齧粉矣陸佃曰龍珠在頷蛟珠在皮蛇珠在口鼈珠在足魚珠在眼蚌珠在腹

龍涎製香

本草會編龍涎可製香香譜曰燒之可直通于天水底焚之亦直到淵底雜俎龍血入地為琥珀內典龍火得水而熾人火得水而滅

喉下逆鱗

韓非說難夫龍之為蟲可狎而騎也然喉下有逆鱗徑尺若撻之則殺人人主亦有之說者能無撻人主之逆鱗則幾矣

頭上尺木

雜俎龍頭上有一物如博山形名曰尺木龍無尺木不能升天

眸見織芥

陰陽自然變化論驪龍之眸見百里織芥又曰龍能變

水人能變火又曰龍不見石人不見人魚不見水鬼不見地

狀有雌雄

見畫

換骨

本草晉地川谷多有龍死而骨在或云是龍蛻非死骨  
陸氏曰龍換骨蛇換皮歐公詩澤養千年脫龍骨

暴鯁

見登第

食花

括地圖龍池之山四方高中央有池方七百里羣龍居之多五花樹羣龍食之

愛竹

南部新書龍之性麤猛而畏蠟愛竹及空青而嗜燒燕肉或曰其性畏鐵又畏棟葉及五色線

婦人觸木

後漢書哀牢夷其先有婦人捕魚水中觸沈木有孕生  
十人沈木為龍出水九男驚走一兒不去背龍而坐龍  
因舐之後諸兒推為哀牢王

秀才懷葉

雜俎有史秀才者元和中與道流遊華山時方暑憩一  
小溪忽有一葉大如掌紅潤可愛隨流而下史獨接得  
寘懷中坐食覺懷中漸重潛起視之其葉上粟粟而動  
史驚懼棄林中遽白衆人曰此必龍也可速去須臾林

中白煙生彌布一谷史下山未半風雷大至

銜燭

王逸楚詞注大荒北隅有山不合因名不周故神龍銜燭照之

捧鑪

見劍

聲如戛銅

唐房琯嘗脩學終南山谷中忽聞聲如戛銅器之韻問

父老云此龍吟也不久雨至矣瑄望之冉冉雲氣游漫  
果驟雨作自後再聞徵驗不差後將赤金鉢戛之謂為  
龍吟

聲似吹竹

白帖龍鳴水中不見截竹吹之聲相似也

真龍對

盛均真龍對其在天也樞紐陰陽不蹉厥常其在田也  
瞻腴疆土庶類蕃敷其在人也珠媚心瀾呀成智門其



為馬也布體柔油徧崇九州其為劔也鬼淚淫淫秋江  
萬尋至于挾雲則十雨時濡御照則三光助舒聖賢在  
上將利益于物天下無道必亢悔于時豈獨矯矯欄端  
露威于葉公而誇爪喙哉

謫龍說

柳子厚謫龍說扶風馬孺子在澤州與羣兒戲郊亭上  
有奇女墮地有光曄然被緞裘白紋之裏首步搖之冠  
少年駭且悅之稍狎焉女怒曰吾故居鈞天帝宮下上

星辰呼噓陰陽薄蓬萊羞崑崙而不即者帝以吾心侈  
大怒而謫來七日當復非若儷也衆恐而退女遂入居佛  
寺講室焉及期進取杯水飲之噓成雲氣五色儵儵如  
也因取裘反之化為白龍徊翔登天莫知其所終陸龜  
蒙有招野龍詩沈存中有彭蠡小龍記邵康節有應龍  
吟

射潯陽江

已下蛟

漢武帝元封五年自潯陽浮江親射蛟于江中獲之

斬義興水

見勇敢

居磯

蕪湖縣大江中有螺磯南有一石穴廣一丈深不測有  
螺居之蓋螺即老蛟也唐子西語錄惠州有潭虎飲水  
其上蛟尾而食之故東坡詩潛鱗有饑蛟掉尾取渴虎  
潛窟

柳子厚詩幽窟潛神蛟

蜃

雜兵書蜃形如蛇而大腰以下鱗盡逆墀雅狀似螭  
龍有耳有角背鬣作紅色噓氣成樓臺望之丹碧隱  
然如在煙霧格物論蜃大蛤也或曰蜃蛇類也言大  
蛤者非

氣成樓臺

史記海旁蜃氣成樓臺野氣成宮闕沈存中筆談登州  
海中時有雲氣如宮室臺觀城堞人物車馬冠蓋之狀

謂之海市或謂蛟蜃之氣又名蜃樓又名鬼市浙人謂之海變

脂和蠟燭

世傳雉與蛇交而生蜃蓋得其脂和蠟為燭香聞百步煙出其上皆成樓閣之狀又曰蛇求于龜則為龜求于雉則為蜃故三物本異而同感也

吸鳥

埤雅高鳥倦飛就之以息蜃氣輒吸之而下

食燕

世云鹿食龜麇食蛇蜃食燕蛟食犀角蛇食茱萸

靈銑射蜃

太平廣記歙州歙縣黃墩湖有蜃常為呂湖蜃所鬪湖  
之近村有程靈銑者好勇而善射夢蜃化為道人告之  
曰吾甚為呂湖蜃所厄明日又來君能助吾吾必厚報  
靈銑問何以自別道人曰束白練者吾也明日靈銑與  
村少年鼓噪于湖邊須臾波濤湧激聲似雷霆見二牛

相馳其一甚困而腹肋皆白靈銑彎弓助之正中後蜃  
俄而水變成血其傷蜃歸呂湖未到而斃

許遜斬蜃

見仙

蛇

格物論蛇類最多有兩頭者有人面者有頭毒尾良  
者有形似鯉魚者有毛如猪鬣者有鼻上有針者有  
蝮有蚺有蟒有蝮不可殫記草木子曰蛇有水草木

土四種葉子奇曰物有直行者犬馬是也有曲行者  
蛇蚓是也有橫行者郭索是也有兩頭行者率然是  
也有屈伸行者尺蠖是也

興雲

埤雅螭蛇龍類也雄鳴于上風雌鳴于下風而風化能  
興雲霧而游其中螭蛇一名神蛇亦曰靈蛇變化論螭  
蛇聽而有孕鷺鷥視而有胎荀子曰螭蛇無足而飛鼯  
鼠五技而窮



飲露

本草金蛇無毒形狀大如中指長尺許常登木飲露作  
金色照日有光能解金毒又有銀蛇能解銀毒陳藏器  
曰人中金毒者令其合瞑納銀口中含至曉銀變金色  
者是莊子曰蛇憐風風憐目目憐心

吞象

山海經巴蛇吞象三歲而出其骨

啖牛

山海經注永昌出鉤蛇長數丈尾跋在水中鉤取岸上人及牛馬啖之

胎生

埤雅蝮蛇一名虺怒時毒在頭尾螫手則斷手螫足則斷足蛇之尤毒烈者也一說江淮以南為蝮以北為虺一說蝮與虺異虺如土色蝮鼻反其上有針線文衆蛇卵生惟此蛇胎生生時輒坼剖母腹一名反鼻蛇前漢書蝮蛇螫手壯士斷腕

眼聽

埤雅牛以鼻聽蛇以眼聽語云蛇聾虎龍其以此乎又  
蚺蛇腹下有橫鱗可行

身有斑文

埤雅蚺蛇尾圓無鱗身有斑文如故暗錦纈行地常俯  
其首膽隨日轉上旬近頭中旬在心下旬近尾南人取  
其膽以充藥材即以線合其瘡縱之後遇捕者輒自見  
金瘡以明無膽本草蚺蛇長十丈嘗吞鹿消盡乃繞樹

出骨南越志蚺蛇牙有長五寸者土人重之云辟邪利  
遠行一說蚺蛇之膽取而還生

腹有白帶

本草圖經烏蛇一名香蛇背有三稜色黑如漆性至良  
不噬物多在蘆葦中嗅其花氣或乘南風而吸乾寧記  
其蛇烏身光頭眼有赤光腹下有白帶子一條又江東  
一種名黑梢蛇能纏物至死亦其類也又名烏梢蛇

出自泉宮

左文十六年有蛇自泉宮出入于國如先君之數秋八月辛未聲姜薨毀泉臺注云自伯禽至僖公十七君此蛇妖數亦十七也

盤向壬地

舊說蛇盤常向壬地北方也

繞柱

搜神記魯定公元年有九蛇繞柱占以為九世廟不祀乃立煬宮

繞輪

新序太子申生至靈臺蛇繞左輪御者曰速得國之祥  
太子遂不反伏劍而死

叩棺涕泣

搜神記東漢竇武母產武并一蛇送之山林後母卒而  
蛇至以頭叩棺涕泣頃方去人以為竇氏之祥

垂牀嘔吐

世說晉杜預為荊州刺史時有燕集大醉輒閉牕獨眠

外聞牕中嘔吐其聲甚苦小吏開戶看之止見牀上有一蛇垂頭牀邊吐都不見人吳淑蛇賦杜預醉而變形即此

涸澤

韓子曰鴟夷子皮事田成子成子去齊亡之燕鴟夷子皮負傳而從至望邑曰子獨不聞涸澤之蛇乎澤涸將徒有小蛇曰大蛇行而小蛇隨之人以為蛇之行者耳必有殺子者子不如相銜負我以行人必以我為神也

乃相負越公道而行人皆避之今子美而我惡以子為我上客一乘之君也以子為我使者萬乘之卿也不如我為舍人于是田成子負傅而隨之至逆旅逆旅之君待之甚敬

常山

孫子曰善用兵者如率然率然者常山之蛇也擊其首則尾至擊其尾則首至擊其中則首尾俱至

馮緄筍中



風俗通車騎將軍馮緄初為議郎發綬笥見二赤蛇分  
南北走許憲卜云後三歲當為邊將以東為名後五年  
為大將軍遼東太守

文潛籬下

張文潛所居堂後北籬下獲二蛇一小赤長二尺許一  
大赤長七尺圍四五寸尾可貫百錢盡放之詩云二物  
穴我居歲月亦已老一朝雙擒獲蜿蜿出幽草安行免  
噬嚙敢望吐珠報已月不殺蛇昔賢有遺告

斬于大澤

見帝符

傷于新洲

白帖宋武帝微時伐荻新洲射傷大蛇明日復往聞杵  
白聲見數青衣童子搗藥問故答曰我王為劉寄奴所  
射今合藥傅之帝曰何神不答帝叱之皆散因得藥時  
人因名此藥草為劉寄奴

叔敖陰德

見陰報

薛濬吉祥

隋書薛濬幼與宗中諸兒戲于澗濱見黃蛇有角及足  
名羣兒共視了無所見濬憂悴母問之濬以實對適有  
僧詣宅母告之僧曰此兒之吉祥早有名位但壽不過  
六七耳言終忽不見後濬果終于四十二

八山

蜀王本紀秦王獻蜀王以美女五人蜀王遣五丁迎女還

梓潼見一大蛇入山一丁引其尾不能出五丁共引之  
山崩厭五丁

浮水

三元參贊蛇小而在水中者曰水蛇一名蛇婆本草此  
蛇常在水上浮游

易皮

俗云麋鹿易蹄蛇類易皮鼈類易殼

吐氣

天玄主物簿懷珠之蛇多喜投暗見人張口向人吐氣  
如燼

赤螻

赤螻蛇赤灰色好吞鼠雀亦喜螫

黑唳

淮南子注云黑唳神蛇也潛於神泉將雨則躍

音如鼓柝

山海經大咸之山名曰長蛇其毛如虱毫其音如鼓柝

音如擊磬

山海經鱗山多鳴蛇其音如擊磬

白花

蘄州有白花蛇一名褰鼻蛇諸蛇鼻向上此蛇獨向下  
項有方勝尾有指甲人劃破其腹則自赴水以指甲洗  
去其腸蟠屈而死可治風疾又溫江有黃花斑蛇長百  
餘丈神光照三百餘步

青竹

本草青蟒蛇一名青竹蛇綠色善緣木及竹上此蛇最  
猛或于草莽中吐絲成網伺人過則出螫但目盲無見  
又名盲蛇專伺網動以螫人

### 六足

山海經太華山有蛇名肥遺六足四翼見則大旱

### 兩頭

本草兩頭蛇大如指見之令人不吉一頭無目一頭無  
口二頭俱能行出會稽又嶺表錄異嶺外多兩頭蛇如

小指大長尺餘腹下鱗紅背上有錦文一頭有口眼一頭無口眼

伏地而行

犁頭蛇頭似犁頭尖嘴大額螫人必死亦好伏地而行  
含土而蟄

羅氏曰蛇草居常饑每得食稍飽輒復蛻殼冬輒含土入蟄及春出蟄則吐之圓重如石謂之蛇黃本草經蛇蛻一名龍子衣一名蛇符



餉虞愿

白帖齊虞愿為晉安太守郡舊出蚺蛇膽可為藥有以此蛇餉愿者愿不忍殺放三十里外經宿復來故處愿使送他處又復歸論者以為仁心所致

賜申王

雜俎申王有肉疾腹垂至骭每出則以白練束之至暑月當鼯息不可禁玄宗詔南方取冷蛇二條賜之蛇長數尺色白不螫人執之冷如握冰

蛇報隋侯

搜神記隋侯姓祝字元暢往齊國見一蛇在沙中頭上有血隋侯以杖挑放水中而去後回至蛇所乃見蛇銜一珠來隋侯不敢取夜夢踏一蛇驚覺乃得雙珠

蛇迎安世

見貶謫

蛇盤帳前

晉書沮渠蒙遜攻浩疊有蛇盤于帳前蒙遜笑曰前一

為騰蛇天意欲吾迴師先定酒泉也遂燒攻具而還

蛇盤鼓上

東齋記事宋蔡君謨知福州以疾不視事者累日每夜即夢登鼓角樓憑鼓而睡時通判有怪鼓角將累日不打三更者將對曰數夜有大蛇盤據鼓上不敢近君謨疾既愈與通判言所夢正與鼓角將所說相同人遂以君謨為蛇精

如牛而吼

隋王世充領兵討李密夜有斑蛇長丈餘向寢屋作聲如牛而吼執杖者斬之明日戰大潰匹馬歸國

逐鼠而驚

唐太宗屯栢壁常欲覘敵潛兵遠抄騎皆四散太宗與一甲士登丘而睡俄而賊兵四面雲合會有蛇逐鼠而甲士驚起因見賊至遽白太宗與俱上馬馳百步為敵所及發大羽箭射之殪其驍將賊駭乃退當時以為神異

山堂肆考卷二百二十三